

**आकाशवाणी**

**खबरां पूनम डोगरा कोला:-**

- प्रधानमंत्री नरेन्द्र मोदी होर अज्ज संजा दंऊ मुखे जापान ते चीन दे यात्रा पर रवाना होगन।
- भारती वायु सेना नै भारी बरखें मगरा आए दे चानचक्क हाईं दी पच्छोकड़ै च जम्मू खिते सनें पंजाब दे उत्तरी हिस्सें च व्यापक राहत ते बचा अभियान रम्भेया ऐ।
- टकोहदा पंछान सरबन्धी भारती प्राधिकरण UIDAI नै मुख्य भरै दे स्कूले गी आक्खेया ऐ जे ओह 5एं थमां 15 बरें दी उम्मी तोड़ी दे बच्चें दी आधार बायोमैट्रिक लाजमी तौर पर बिजन चिर लाए दे अपडेट करोआन।
- प्रधानमंत्री जन-धन योजना दे अज्ज 11 बरे पूरे होई गे न।
- केन्द्री मंत्रीमंडल नै राष्ट्रमंडल खेड्डें -2030 लेई बोली लाने दे युवा मामले ते खेड्डें सरबन्धी मंत्रालय दे प्रस्ताव गी मंजूरी देई दिती ऐ।



**PM-Japan Visit**

प्रधानमंत्री नरेन्द्र मोदी होर 15में भारत-जापान सालाना शिखर सम्मेलन च हिस्सा लैने लेई अज्ज संजा जापान दी यात्रा उप्पर रवाना होगन। एह मोदी हुंदी 8मीं जापान यात्रा होग। जापान दे प्रधानमंत्री शिगेरु -इशिबा हुंदे कन्ने एह उन्दी पैहली शिखर बैठक होग। विदेश मंत्रालय नै इक ब्यान च गलाया ऐ जे इस यात्रा दौरान दवै मुख्य विशेष रणनीतिक ते वैश्विक सांझेदारी दी समीक्षा करगन। एहदे च रक्षा सुरक्षा, बपार, अर्थव्यवस्था, प्रोद्योगिकी नवाचार ते आपसी सहयोग शामिल ऐ। क्षेत्रीय ते वैश्विक महत्व दे मुद्दे उप्पर बी चर्चा होग। एह यात्रा दवै मुखे बशकार लमें समें थमां चलदे अवा रदे आपसी सरबन्धें गी होर निगगर बनाग। जापान दी यात्रा मगरा प्रधानमंत्री नरेन्द्र मोदी होर चीन जागन, उत्थे ओह चीन दे

राष्ट्रपति जिनपिंग हुंदे साददे उप्पर 31 अगस्त शा इक सितम्बर तक्कर तियान-जिन च शंघाई सहयोग संगठन SCO शिखर सम्मेलन च हिस्सा लैगंन।



### **PM-Finland Prez**

प्रधानमंत्री नरेंद्र मोदी होरें कल फोन उप्पर Finland दे राष्ट्रपति अलेक्जेंडर स्टब हुंदे कन्नै गल्लबात कीती। इक सोशल मीडिया पोस्ट च मोदी होरें गलाया जे फिनलैंड -यूरोपीय संघ दा इक महत्वपूर्ण सांझेदार ऐ। दवै लीडरें बपार, प्रोद्योगिकी ते स्थिरता जनेह प्रमुख क्षेत्रें च सहयोग गी मजबूत करने दे तरीके उप्पर चर्चा कीती। उनें यूक्रेन संघर्ष दे शांतीपूर्ण हल दे जत्नें उप्पर बी चर्चा कीती।



### **IAF Rescue Op**

भारतीय वायु सेना नै जम्मू क्षेत्र ते उत्तरी पंजाब च बददे पानी दे स्तर ते विनाशकारी हाड़ दे मददेनजर व्यापक राहत ते बचाव अभियान शुरु कीता ऐ। रक्षा मंत्रालय नै इक ब्याना च गलाया जे भारतीय वायु सेना नै प्रभावतें दी मदाद लेई हेलिकाप्टर बेड़े सनें होर दुए वायुसेना संसाधनें दी तैनाती कीती ऐ। जम्मू दे अखनूर क्षेत्र, पंजाब दे पठानकोट ते डेरा बाबा नानक क्षेत्र च सशस्त्र कर्मियें दी जिंदु गी बचाने ते उन्दी रक्षा लेई एहदे राए बचाव अभियान चलाये गे। मंत्रालय नै गलाया जे स्थिति मुजब वायुसेना अगगै बी अभियान चलाने लेई त्यार ऐ।



### **UIDAI Aadhaar Updates**

टकोहदी पन्छान सरबंधी भारती प्राधिकरण-UIDAI नै मुख्य भरै दे स्कूलें गी आकखेआ ऐ जे ओह 5एं थमां 15एं बरें दी उमी तोहड़ी दे बच्चें दी आधार बायोमेट्रिक लाजमी तौर पर बिजन चिर लाए दे अपडेट करोआन। प्राधिकरण दे मुख कार्जकारी अधिकारी भुवनेश कुमार होरें सब्भनें राज्यें ते केन्द्र शासित प्रदेशों दे मुख सचिवें गी बी इत सरबंधी च लिक्खी भजेआ ऐ ते उ'नेंगी गुजारिश कीती ऐ जे ओह लाजमी बायोमेट्रिक अपडेट कैंप लाने च

लोडचदा सैहयोग करन। इलैक्ट्रानिक्स ते सूचना टेक्नोलाजी सरबंधी मंत्रालय नै इक बयाना च आखेआ ऐ जे UIDAI ते शिक्षा मंत्रालय नै आपूं चै रलिये इक-दुए दे तालमेल कन्नै इस सरबंधे च गें पुट्टने दा फैसला लैता ऐ ते एहदे कन्नै तकरीबन 17 करोड़ बच्चें दे आंकड़ें गी शिक्षा प्लस मंच लेई संगठित जिला सूचना प्रणाली पर आहन्नेआ जाहग।



## **PMJDY**

“प्रधानमंत्री जन-धन योजना” नै अज्ज 11 बरे दा सफर पूरा करी लेया ऐ। एह दुनिया दी सब्भने शा बड़ी वित्तीय समावेशन पैहलें शा इक ऐ। प्रधानमंत्री नरेन्द्र मोदी होरें 15 अगस्त-2014 बरे च लाल किले दी प्राचीर शा इस पैहल दी घोषणा कीती ही। 28 अगस्त गी इक कार्यक्रम दा शुभारम्भ करदे होई प्रधानमंत्री होरें इस अवसर गी गरीबी शा मुक्ती दा इक उत्सव दस्सेया हा।



## **Cabinet PM SVANidhi**

केन्द्री मंत्रिमंडल नै पी.एम. स्वनिधि योजना गी पुर्नस्थापित करने दी मंजूरी देई दिती ऐ। काबीना नै दोआर-कर्जे दी अवधि गी 31 दिसम्बर 2024 दे अगगे विस्तार गी बी मंजूरी दिती ऐ ते हून एहदी मयाद बधाइयै 31 मार्च 2030 तोहड़ी करी दिती गई ऐ। इस योजना लेई कुल 7 जहार 332 करोड़ रुपें दा बजट रक्खेआ गेआ ऐ। नमें सिरेया तैयार कीती गेदी इस योजना तैहत पैहली ते दुई बारी बैंक शा दोआर लैने पर बधी दी रकम थहोने दा प्रावधान कीता गेआ ऐ। एहदे अलावा ओकड़े लाभार्थी, जिनें दुई बारी लैता गेदा दोआर-कर्जा बी कामयाबी कन्नै वापस करी दिते दा ऐ, उंनेंगी UPI कन्नै जुड़े दा क्रेडिट कार्ड जारी करने दी बवस्था बी कीती गई ऐ। इससै चाल्ली थोक ते परचून लैन-देन लेई डिजिटल कैश बैंक दी बी बवस्था होग। पैहली बारी दोआर लैने दी सूरतै च बद्धोबद्ध 15 जहार रपे थहोआ करडन जेहड़े पैहले 10 जहार रपे हे। ईआं गै दुई बारी लैते जाने आहले दोआर दी रकम गी 20 जहार

रपें शा बधाइयै 25 जहार रपे करी दिता गोआ ऐ जदके त्रीऽ बारी लैते जाने आहले दोआर दी रकम च कोई बदलाव नेई कीता गोआ ऐ।



### **Sonowal Ambassadors Roundtable**

बंदरगाहें, जहाजरानी ते जल मार्गें सरबंधी मैहकमें दे केन्द्री मंत्री सर्बानन्द सोनोवाल होरें आखेआ ऐ जे भारत दा समुंदरी खेतर, बड़े व्यापक ढंग्गै कन्नै शानदार विस्तार करै करदा ऐ। कल नमीं दिल्ली च राजदूतें दी गोलमेज़ वार्ता गी संबोधित करदे होई श्री सोनोवाल होरें आखेआ जे सरकार छड़ा देसै दे विकास लेई गै समर्थ दा निर्माण नेई करै करदी सगुआं वैश्विक विकास ते तगड़ी आपूर्ति श्रृंखला लेई बी तगडेयाई कन्नै गैहीं पुट्टा करदी ऐ। उ'नें आखेआ जे उं'दा मंत्रालय बंदरगाहें सरबंधी आधुनिक ढांचे ते आलमी सतह उप्पर साथ-सैहयोग बधाने लेई वचनें बज्जे दा ऐ। सोनोवाल होरें भ्याल मुखें दे राजदूतें ते हाई कमिशनरें कन्नै बी गल्लबात कीती ते भारत दे समुंदरी संपर्क, समुंदरी जहाजें दे निर्माण, साज-समेयान ते समुंदरी तकनीकें दे खेतर च होर विकास-बाददे दी जरूरतें पर जोर पाया।



### **Maoist Surrender**

छतीसगढ़ दे बीजापुर जिले च कल 30 माओवादियें आत्म-समर्पण करी दिता। इन्दे शा 20एं उप्पर 81 लक्ख रुपये दा नकद ईनाम हा। पुलस नै दस्सेया जे आत्म-समर्पण करने आहले एह माओवादी बक्ख-बक्ख घटनायें च शामिल हे। बीजापुर दे S.P. Jatinder Yadav होरें दस्सेया जे राज्य सरकार दी पुर्नवास नीति तैहत उनेंगी 50-50 हजार रुपये दी प्रोत्साहन राशी बी दिती गेई ऐ।



### **Cabinet Commonwealth Games**

केन्द्रीय मंत्रीमंडल नै राष्ट्रमंडल खेड्डे-2030 लेई बोली जमा करने लेई युवा मामले ते खेड्ड मंत्रालय दे प्रस्तवा गी मंजूरी देई दिती ऐ। मंत्रीमंडल नै सरबंधत मंत्रालयें, विभागें ते प्राधीकरणें थमां लाजमी गरंटियें दे कन्नै, मेजबान सहयोग समझौते -HCA उप्पर दस्तख्त

करने ते बोली मंजूर होने दी स्थिती च गुजरात सरकार गी जरूरी अनुदान सहायता दी बी मंजूरी देई दिती ऐ। राष्ट्रमंडल खेड्डें च 72 देशें दे एथलीट हिस्सा लैगंन। एहदे च बड़ी मती गिनतरी च एथलीट, कोच-तकनीकी अधिकारी, सेलानी, मीडियाकर्मी ते होर दुए सदस्य शामिल होगंन, जेडे खेड्डें दौरान भारत ऑगन, जेहदे कन्नै मुकामी बपार गी लाह थोहना ते आर्थिक विकास मुमकन होई सकोग।



### **Badminton-World C'hips**

बैडमिन्टन च भारत दी शीर्ष मर्दे दी जोड़ी सात्विक साईराज रकीरे-रेड्डी ते चिराग शेट्टी ते ओलम्पिक पदक विजेता P.V. Sindhu होर कल पैरिस च BWF विश्व चैम्पियनशिप-2025 दे अखीर-16 च पुज्जी गे न। सात्विक, चिराग दी जोड़ी नै चीनी Taipei दे Lie Kuang Heng ते Yang Po Han गी 22-20, 21-13 कन्नै हराया। हून उन्दा मुकाबला Round Off-16 च चीन दे Liang Wei Keng ते Wang Chang कन्नै होग। महिला इक्कलै मुकाबले च P.V. सिधु नै मलेशिया दी Dhruv Kapila गी हराया। मर्दे दे इक्कलै मुकाबले च अज्ज H.S. Prannoy प्री-क्वार्टर फाईनल च अपनी थाहर पक्की करने लेई मैदान च उतरगंन।



**Read by** : **Punam Dogra**  
**Stand by** : **Vijay Bajaj**  
**D.E.O.** : **Rajni Devi**  
**Skilled** : **Rajat Paul**  
**Editor** : **Kunal Shrivatsa**